



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Svmma Totivs Theologiae S. Thomae Aqvinatis, Doctoris Angelici Ordinis Prædicatorum**

Secvndæ Secvndæ Partis Volumen Tertium

**Thomas <von Aquin, Heiliger>**

**Romae, 1619**

Vtru[m] conuenienter assignentur sex species luxuriæ? 1

**urn:nbn:de:hbz:466:1-38803**

*Vtrum conuenienter assignentur sex species luxuriæ, scilicet fornicatio simplex, adulterium, incestus, stuprum, raptus, & visium contra naturam?*

742

4. d. 41. a.

4. q. 1. c.

2. Et mal.

q. 15. a. 3

**A**D primum sic proceditur. Videtur, quod inconuenienter assignentur sex species luxuriæ, scilicet fornicatio simplex, adulterium, incestus, stuprum, raptus, & vitium contra naturam. Diuersitas enim materiæ non diuersificat speciem. Sed prædicta diuisio sumitur secundum materiæ diuersitatem, prout scilicet aliquis commiscetur coniugata, vel virgini, vel alterius conditionis mulieri. Ergo videtur quod per hoc species luxuriæ non diuersificentur.

¶ 2 Præterea, Species vitij vnus non videntur diuersificari per ea quæ pertinent ad aliud vitium. Sed adulterium non differt à simplici fornicatione, nisi in hoc quod aliquis accedit ad eam quæ est alterius, & sic iniustitiam committit. Ergo videtur, quod adulterium non debet poni species luxuriæ.

¶ 3 Præterea, Sicut contingit quod aliquis commiscetur mulieri quæ est alteri viro per matrimonium obligata, ita etiam contingit quod aliquis commiscetur mulieri quæ est obligata Deo per votum. Sicut ergo adulterium ponitur species luxuriæ, ita etiam sacrilegium species luxuriæ poni debet.

¶ 4 Præterea, ille qui est matrimonio iunctus, non solum peccat si ad aliam mulierem accedat, sed etiam si sua coniuge inordinate vratur. Sed hoc peccatum sub luxuria continetur. Ergo deberet inter species luxuriæ computari.

¶ 5 Præterea, Apostolus 2. ad Corinth. 12. dicit, Ne iterum cum venero humiliet me Deus apud vos, & iugam multos ex ijs qui ante peccauerunt, & non egerunt penitentiam super immunditia, & fornicatione, & impudicitia quam gesserunt. Ergo videtur, quod etiam immunditia, & impudicitia debeant poni species luxuriæ, sicut & fornicatio.

S 4 ¶ 6 Præ-

¶ 6 Præterea, Diuisum non condiuiditur diuiden-  
tibus. Sed luxuria condiuiditur prædictis. Dicitur  
enim Galatas quinto, Manifesta sunt opera carnis,  
quæ sunt fornicatio, immunditia, impudicitia, luxu-  
ria. Ergo videtur quod inconuenienter fornicatio  
ponatur species luxuriæ.

SED contra est, quod prædicta diuisio ponitur in \*

36. q. 1. c.  
Ex illa  
præteri-  
torum.  
q. præ a.  
2. & 3.

Decretis, 36. quæst. 1.  
RESPONDEO dicendum, quod sicut \* dictum  
est, peccatum luxuriæ consistit in hoc, quod aliquis  
non secundum rectam rationem delectatione venere-  
ritur. Quod quidem contingit dupliciter. Vno mo-  
do secundum materiam, in qua huiusmodi delecta-  
tionem querit. Alio modo secundum quod materia  
debita existente non obseruantur aliæ debite condi-  
tiones. Et quia circumstantia, in quantum huiusmo-  
di, non dat speciem actui morali, sed eius speciem  
sumitur ab obiecto, quod est materia actus: ideo oportet  
tuit species luxuriæ assignari ex parte materie vel  
obiecti. Quæ quidem potest non conuenire rationi re-  
ctæ dupliciter. Vno modo, quia habet repugnantiam  
ad finem venerei actus. Et sic, in quantum impedi-  
tur generatio prolis, est vitium contra naturam, quod  
est in omni actu venereo, ex quo generatio sequi non  
potest. In quantum autem impeditur debita edu-  
catio & promotio prolis natæ, est fornicatio im-  
plex, quæ est soluti cum soluta. Alio modo mate-  
ria, in qua exercetur actus venereus, potest esse non  
conueniens rationi rectæ, per comparisonem ad alios  
homines. Et hoc dupliciter. Primo quidem, ex parte  
te ipsius scemina, cui aliquis commisceatur: quæ  
debitus honor non seruatur. Et sic est incestus, qui  
consistit in abusu mulierum consanguinitate vel af-  
finitate iunctarum. Secundo, ex parte eius, in  
cuius potestate est scemina: quia si est in pote-  
state viri, est adulterium; si autem est in potestate  
paris, est stuprum; si non inferatur violentia, ra-  
ptus autem si inferatur. Diuersificantur autem istæ  
species

species magis ex parte fœminæ, quàm viri: quia in actu venereo fœmina se habet sicut patiens, & per modum materiæ: vir autem per modum agentis. \*Dicitur est autem, quòd prædictæ species secundum differentiam materiæ assignantur.

*in isto articulo.*

Ad primum ergo dicendum, quòd prædicta diversitas materiæ habet annexam diversitatem formalem obiecti, quæ accipitur secundum diversos modos repugnantiæ ad rationem rectam, ut \* dictum est.

*in corpore art. 1. 2. q. 18. art. 7.*

Ad secundum dicendum, quòd nihil prohibet in eodem actu diversorum vitiorum deformitates concurrere, ut supra dictum est. Et hoc modo adulterium continetur sub luxuria, & sub iniustitia. Nec deformitas iniustitiæ omninò per accidens se habet ad luxuriam: ostenditur enim luxuria grauior, quæ in tantum concupiscentiam sequitur, quòd etiam in iniustitiam ducatur.

Ad tertium dicendum, quòd mulier vouens continentiam, quoddam spirituale matrimonium facit cù Deo. Et ideo sacrilegium quod committitur in violatione talis mulieris, est quoddam adulterium spirituale. Et similiter alij modi sacrilegij reducuntur ad alias species luxuriæ.

Ad quartum dicendum, quòd peccatum conjugati cum sua vxore, non est secundum indebitam materiam, sed secundum alias circumstantias, quæ non constituunt speciem moralis actus, ut dictum \* est.

*in corpore art. 1. gloss. in tertio. ibi.*

Ad quintum dicendum, quòd sicut glossa † dicit ibidem, immundicia ponitur pro luxuria contra naturam: impudicitia autem est, quæ fit cum liberis à viro; unde videtur ad stuprum pertinere. Vel etiam potest dici, quòd impudicitia pertinet ad quosdam actus circumstantes actum venereum, sicut sunt oscula, tactus, & alia huiusmodi.

Ad sextum dicendum, quòd luxuria sumitur ibidem pro quacumque superfluitate, ut glossa \* ibidem dicit.

*Ibidem.*